

**De Rebvs Iaponicis, Indicis, Et Pervanis Epistolæ
Recentiores**

Hay, John

Antverpiae, 1605

Idem Lvdovicvs Froes.

[urn:nbn:de:hbz:466:1-61204](#)

uentu animos oppleuerimus, vobis considerandum relinquimus.
 Pater Cabralis tum eum Diuæ Virginis imaguncula, artificiose
 elaborata, donauit, quam magni loco muneris caram habuit.
 Cumque Cabralis in regnum Figense prefecturus in procinctu
 esset, Princeps ei pulcherrimum equum donatum adduci ius-
 fit, pariterque nunciari, ut iter ageret seculo animo, omnemque
 prorsus solitudinem exueret, Christianorum etenim & Simo-
 nis salutem tanquam oculorum suorum pupillas sibi curæ fore.
 Atqui hæc quidem sunt, quæ de his scribenda memoriarum occurre-
 runt. Porro credite, fratres carissimi, etiam timidis tepidisque
 magnopere prodesse, si in istiusmodi angustiis deprehendantur;
 faciunt namque ut animi, vita iam desperata & quasi proiecta,
 cum nullū esse mediū arbitrentur, fiducia salutis suæ quadam con-
 functione Deo adglutinentur; atque deinceps, metu iam omnino
 profligato, mortem singulis momentis cum eius contemptu for-
 titer expectent. Sanctis vestris sacrificiis & deuotis orationibus
 deuotè me commendo. E Bongo, oct. Id. Iun. 1577.

IDEM LUDOVICVS FROES.

EX literis Patris Figueredi Faciatæ datis intelleximus, cum
 comite eum suo in summo vitæ discrimine versatum fuisse;
 Ciuitas etenim eis Pagodum quoddam assignauerat, in quo
 mansio[n]e haberent. Consuetudo autem erat ciuib[us], vt aliorum
 Pagodorum idola, quæ feriarum diebus circumgestari solent, in
 hoc reposita afferuarentur. Porro Pater Figueredus, quamdiu
 fanum illud inhabitauit, tergiuersatus est ea recipere. Quam ob
 causam tota ciuitas tumultu misceri; sic vt plebs in nostroru[m] cæ-
 dem conspiraret; & vi ageret, vt simulacra illa ibi loci collocaren-
 tur. Dei autem prouidentia effectum est, vt neque locus à nostris
 expiatis denuo contaminaretur, & gentilium deorum recepta-
 culum fieret, neque nostri incommodum aliquod incurrerent.
 Enimuero, quanquam non sine graui molestia id impetratum sit,
 supersedere tamen à vi, cōuicti rationibus, quæ ipsis redditæ sunt.
 Atque ita non tantum pacati quieuerunt, verùm etiam quadrin-
 genti & amplius ex ciuib[us] fidem receperunt.

Alia quadam epistola per Michaëlem Vaz transcriptum est,
 vniuersum iam dominium Regis Bartholomæi religionem esse
 amplexum, in quo ille sedem habet, sic vt nemo omniū supersit,
 qui gentiles ritus retineat. Persæpe inibi magno numero, atque
 vna quadam vice mille ducentos baptismatis ynda renatos.

Ad hæc

Adhæc allatum nobis est, in fata concessisse Arimis Regem Andream fratrem germanum Regis Bartholomæi, qui anno proxime elapso fidem suscepserat. Atqui filium, qui in regnum succederit, cùm is ethnica adhuc sacra tueatur, cœpisse Christianos acriter persequi. Nihilominus spem esse ipsum quoque cum regni sui subditis ad orthodoxam religionem accessurum; quandoquidem iam tractaretur de filia quadam Regis Bartholomæi in matrimonium ei tradenda, quam non nisi recepta Religione habiturus esset. Hisce diebus quamplutimos ex nostris in diuersa regna amandumus, ab ipsis Regibus & principibus requisiti, ut Diuini verbi sementem inibi facerent. Vnde messem non contemnendam expectamus; Nam & excepti sunt illi à regibus per benignè, & omni beneficiorum genere cumulate adiuti. Successum horum omnium gloria omnis & honos Diuinæ Majestati adscribenda.

ORGANTINVS BRIXIENSIS AD VISITATOREM INDIARVM.

Igens solatium ex tuæ Paternitatis literis, tum & non contemnendo operiorum numero, quos præsenti anno in hanc messem ad nos misisti, perceperimus. Quo quidem subsidio recepto mirifice recreati sumus, prorsusque animati, ut nullo deinceps cum fastidio in operoso hoc negotio nos exerceamus. Quæ nuper admodum ex locis Meæo vicinis nobis nunciata sunt, gratissima fuere auditu, ut pote quod fides Christiana nullo impedimento latissimè propagetur. Evidem gaudium hoc nostrum, ex eo successu conceptum, aliis putau impatiendum. Scripsi itaque de iis rebus ad Patrem Franciscum Cabralem fusissimè, ut scriptum illud, aut saltem exemplar narrationis ad te deferendum curaret, quod utique facturum confido. continentur etenim multa, quæ omnium certè piorum animos magna consolatione subleuent. At imprimis recensetur ab initio Quadragesimæ ad hanc usque diem ultra septem millia hominum ab idolorum cultu ad Christianæ vitæ rationem traducta, & spem esse multo plures breui in viam hanc salutis reuocatum iri. Cùm tamen verendum sit, ne ob paucitatem nostram officio huic pro rei necessitate plenè satisfieri possit, desideramus, ut Paternitas tuæ coadiutores nobis suppeditet. duo enim